

兩浙名賢錄

兩浙名賢錄卷之三十四目次

清正

三國吳

都陽太守魏周休騰

晉

尚書令陸祖言納

尚書僕射孔安國

散騎常侍丁世康潭

子話附

中書令王子敬猷之

子靜之附

清車屏次

卷之三十一

光緒

宋齊梁陳

祠部尚書王伯重鎮之

左衛將軍謝景先述

侍中謝弘微審

御史中丞孔彥琳琳之

弟瓌之子選附

侍中王少明悅之

黃門侍郎虞茂瑤玩之

尚書左僕射王季希廷之

祠部尚書虞景豫綜

東觀祭酒虞士恭愿

戎畧將軍虞次安寄

唐

吏部尚書錢蔚章徽

宋一

翰林學士詹存孝驥

翰林學士錢醇老恭

朝請郎錢景謀

秘閣檢理王介

翰林學士錢穆父總

白牛居士陳令舉舜俞

祠部員外郎強幾聖至

右司員外郎吳師禮

給事中傅子駿崧卿

福建提舉吳守約詳

子祇  
若附

華陽令唐恕

弟意  
附

潮州判沈次仲造

翰林學士毛達可友

弟奎子  
開附

吏部郎李彥淵執

刑部郎史祺孫

虹縣尉徐端益

殿中侍御史沈德侔

子濟附

浙江提點刑獄王與正師愈

細高居士王槐鄴中甫

吏部侍郎應仲實孟明

吏部侍郎閻丘逢辰昕

湖北提舉胡子上升

太府寺丞清彝舉大臨

判潼州轉運王佐

直秘閣林懿成季仲

弟叔  
豹附

太常少卿胡季臯

司農卿林正甫

戶部侍郎馬會叔大司

資政殿大學士沈德之

太府簿丘漢規

起据舍人倪起萬千里

兵部郎孫居敬初

刑部侍郎蔡行之幼學

于翁節  
範附

兩浙名賢錄卷二十四目次終



兩浙名賢錄卷之三十四

東海徐象梅仲和氏謨

武原錢 陞西乘氏閔

清正

三國吳 凡一人

鄱陽太守魏周休騰

魏騰字周休上虞人河內太守朗之孫也少與同邑吳  
範友善孫策定江南聞其名辟爲功曹以忤意見譴將  
殺之衆莫能救賴策母吳夫人言得免語在列女傳其

後事權復以事忤意，權責怒甚嚴，敢有諫者死。時吳懿以風角占領太史令，謂騰曰：「與汝偕死。」騰曰：「死而無益，何用死爲？」範曰：「安能慮此？」坐觀汝邪？乃髡頭自縛詣門下，使鈴下以聞。鈴下不敢，範曰：「汝有子邪？」曰：「有。」曰：「使汝爲吳範死，子以屬我。」鈴下曰：「諾。」乃排闥入，言未卒，權大怒，欲便投以戟，逡巡走出。範因突入，叩頭流血，言與騰並良，父權意釋，乃免。騰騰見範謝曰：「父母能生長我，不能免我於死，丈夫相知如汝足矣。何用多爲？」騰性剛直，行不苟合，雖遭困逼，終不回撓。歷歷山、潯陽山、陰三縣。

金都陽太守以清白稱於一時。

音共六人

尚書令陸祖言納

陸納字祖言，玩之子也。清操絕俗，爲吳興太守，不受祿。徵拜左民尚書，領州大中正。濱行，外白宜裝幾舡。納曰：私奴裝糧食來，無所復須也。臨發，止被襪而已。餘並封以還官。遷吏部尚書，加奉車都尉將軍。謝安嘗欲詣納，而納殊無供辦。其兄子俶不敢問之，乃密爲之具。安既至，納所設唯茶果而已。俶遂陳盛饌，珍羞畢具，客罷納。

大怒曰。汝不能光益叔父。乃穢污我素業。邪。於是杖之。四十。尋遷尚書僕射。加散騎常侍。俄拜尚書令。恪勤。固始終不渝。時會稽王道子。以少年專政。委任羣小。望闕而歎曰。好家居。繼見欲撞壞之邪。朝士咸服其忠。亮尋除左光祿大夫。儀同三司。未拜而卒。卽以爲贈。

尚書僕射孔安國

孔安國字安國。愉之少子。汪之季弟也。小諸兄三十餘歲。羣從兄弟並乏才名。以富強自立。惟安國與汪少。孤貧之操。汪旣以直諒稱。安國亦以儒素顯。孝武帝嘗

甚蒙禮遇仕歷侍中太常及帝崩安國形素羸瘦歷  
經澌酒竟日見者以爲真孝再爲會稽內史領軍將軍  
安帝隆安中下詔曰領軍將軍孔安國貞慎清正出處  
播譽可以本官領東海王師必能導達津梁依仁游藝  
後歷尚書左右僕射義熙四年卒贈左光祿大夫

散騎常侍丁世康

子諱附

丁潭字世康會稽山陰人吳司徒固之孫也初爲郡功  
曹察孝廉除郎中稍遷丞相西閣祭酒元帝踐祚拜附  
馬都尉奉朝請尚書右部郎時瑯琊王真始受封帝欲

引朝賢爲其國上卿將用潭以購中書令竇德循曰  
中令職望清重竇宜審授潭清淳貞粹雅有隱正聖明  
所簡才實宜之遂爲瑯琊王郎中令會哀薨潭上書求  
行終喪禮詔下博議太常賀循議禮天子諸侯俱以至  
尊臨人上下之義君臣之禮自古以來其例一也故禮  
盛則並全其重禮殺則獨從其降春秋之事天子諸侯  
不行三年至於臣爲君服亦宜以君爲節未有君除而  
臣服君服而臣除者於是詔使除服心喪三年成帝始  
實以爲嚴駢常備佳中種蟻作亂帝薨於石鼓嶺

及侍中鍾雅劉超等隨從不離帶側峻誅以功賜爵永  
安伯遷大尚書徙廷尉累遷左光祿大夫加散騎常侍  
屢表乞休詔以光祿大夫還第門施行馬祿秩一如舊  
制年八十卒贈侍中大夫如故謚曰簡子諡位至散騎  
侍郎

中書令王子敬獻之

子靜之附

王獻之字子敬少有盛名而高邁不羈雖閒居終日容  
止不怠風流爲一時之冠嘗與兄徽之操之俱請謝安  
二兄多言俗事獻之寒溫而已既出客問王氏兄弟優

劣安曰小者佳客問其故安曰吾人之辭寡嘗夜卧齋中而有偷人入其室盜物都盡獻之徐曰偷兒青瓊我家舊物可特置之羣偷驚走工草隸善丹青七八歲時學書羲之密從後掣其筆不得歎曰此兒後當復有大名桓温嘗使書扇筆誤落因畫作烏駝犂牛極有情態起家州主簿秘書郎轉丞以選尚新安公主謝安進號衛將軍請爲長史太元中新起太極殿安欲使獻之題榜以爲萬代寶而難言之試謂曰魏時凌雲殿榜未題而匠者誤釘之不可下乃使韋仲將懸梯書之比訖



鬚皆白。裁餘氣息。還謂子弟。宜絕此法。獻之。揣知其言。正色曰。仲將魏之大臣。寧有此事。使其若此。有以知魏德之不長。安遂不之過。尋除建威將軍。吳興太守。徵集。中書令。及安薨。贈禮有同異之議。惟獻之與徐邈共。明安之功勲。上疏極言。孝武遂加安殊禮。未幾。獻之遇疾。家人爲上章。道家法。應首過。問其有何得失。對曰。不覺餘事。惟憶與郗家離婚。俄而卒。贈侍中。特進。光祿大夫。謚曰憲。無子。以兄子靜之嗣。位至義興太守。

宋齊梁陳

共十二人

祠部尚書王伯重鎮之

王鎮之字伯重中書郎着之之孫上虞令隨之之子鎮之爲剡上虞令並有能名桓玄輔晉以爲大將軍錄事參軍以母老求補安成太守母喪去職在官清潔妻子無以自反乃弃官致喪還上虞舊墓葬畢爲子標之求安福令隨子之官服闋爲南平太守召拜御史中丞執法不撓百僚憚之出爲建威將軍平越中郎將廣州刺史加都督宋武帝謂人曰鎮之少著清績必將繼美吳隱嶺南弊俗非此不康也在鎮不受俸祿蕭然無管夫

官之日不異。初至武帝初建相國府爲諮議參軍領錢  
事善於吏職廉而不殘遷宋臺祠部尚書武帝踐祚卒  
於宜訓衛尉弟弘之自有傳

左衛將軍謝景先述

兄純附

謝述字景先小字道兒衛軍長史純之弟也劉毅鎮江  
陵純爲南平相及王鎮惡襲殺毅純聞變馳還入府左  
右欲引車外解純叱之曰我人吏也逃欲安之遂入遇  
害述時甫弱冠隨在江陵乃奉純喪還都至西塞遇暴  
風純喪舫漂流不知所所在述乘小舡尋求經純妻庾舫

遇庾遣人謂曰。小郎去必無及。寧可存亡俱盡邪。述號泣答曰。若安全至岸。尚須管理如其已。致意外。述亦無心獨存。因冒浪而進。見純喪幾歿。述號叫呼天。幸而獲免。咸以爲精誠所感。武帝聞而嘉之。辟爲主簿。甚被器遇。尋爲太尉參軍。從征司馬休之。封吉陽縣五等侯。元嘉二年。拜中書侍郎。後爲彭城王義康驃騎長史。領南郡太守。義康入相。述又爲司徒左長史。轉左衛將軍。蒞臺清約。弘無宅舍。義康遇之甚厚。尚書僕射殷景仁。領軍將軍劉湛。並與述爲異常之交。述美風姿。善舉止。湛

舞謂人曰我見謝道兒未嘗足遠有心虛疾性理時或  
乖謬卒於吳興太守及劉湛誅義康外鎮將行歎曰  
遠惟勸吾退劉湛惟勸吾進遠亡而湛存吾所以得  
也文帝亦曰謝遠若存義康必不至此孫臏自有傳  
侍中謝弘微密

謝密字弘微西中郎萬之曾孫也祖詔車騎司馬父思  
武昌太守弘微年十歲出繼從叔峻名犯所繼內諱故  
以字行童幼精神端審時然後言所繼叔父混名知人  
見而異之謂思曰此兒深中風敏本成佳器峻是司空

瑛之子於弘微本服總親屬中表素不稱議事慮承接  
皆合禮表義熙初襲爵建昌縣侯弘微家素貧儉而所  
繼豐泰唯受數千卷書問史數人而已遺財祿秩一不  
關預混聞而驚歎混風格高峻少所交納惟與族子靈  
運瞻瞻曜以文藝賞會常共宴處其外雖復高流時譽  
莫敢造門瞻等才辯辯富弘微每以約言服之混特所  
稱賞號曰微子謂瞻等曰汝諸人雖才義豐辯未必皆  
備衆心至於領會機賞言約理要故當與我共推微子  
義熙八年

以劉毅黨見誅。混妻晉陵公主改適琅邪王練。公主雖  
執意不行而詔與諸氏離絕。公主以混之舉事。委之  
微混仍世宰相。一門兩封。田業十餘處。僮僕千人。唯  
二女年並數歲。弘微經紀生業。事若在公。一錢尺帛。皆  
入。皆有文簿。宋武受命。晉陵公主降封東鄉君。以混得  
罪前代。東鄉君節義可嘉。聽還諸氏。自混亡。至是九年。  
而室宇修整。倉廩充盈。門徒不異平日。田疇墾闢。有加  
於舊。東鄉君歎曰。僕射平生重此一子。可謂知人。僕射  
爲不亡矣。中外姻親。道俗義舊。見東鄉之歸。皆及門。其

不歎息。或爲流涕。感弘微之義也。弘微性嚴正。舉動必  
修禮度。尊卑大小莫不敬之。若神時有蒸滫之者。及見  
諸安兄弟。謂人曰。弘微貌類中郎。而性似文靖。文帝卽  
位。爲黃門侍郎。遷尚書吏部郎。參機密。尋轉右衛將軍。  
弘微少孤。事兄如父。友睦之至。舉世莫及。口不言人短。  
見兄曜。好臧否人物。每聞之。常亂以他語。歷位中庶子。  
解侍中志。在素宦。畏忌權寵。固辭不拜。每獻替及陳事。  
必手書焚草。人莫之知。上以弘微能。膳羞每就。求食。弘  
微與親舊。經營及進之。後親人問上。所御弘微不答。上



以餘語酬之。時人比之漢世孔光。及東鄉君薨，遺財千  
萬，園宅十餘所。又會稽吳興諸處太傅安司空琰時事  
業，奴僮猶數百人。公私咸謂室內資財宜歸二女，田宅  
奴僕應屬弘微。弘微一不取自私財，治喪及厥涓墓  
合葬東鄉。弘微牽疾臨赴，病遂甚。元嘉十年卒，年四十  
二。文帝歎惜甚至，譔謝景仁曰：謝弘微年踰四十，名位  
未盡其才，此朕之過也。勅二衛千人營畢葬事，贈太常  
弘微與琅邪王慧王球並以簡浚稱人。謂沈約曰：王慧  
何如。約曰：令明簡。次問王球。約曰：借玉浚。又次問弘微。

約曰簡而不失。淡而不流。古之所謂名臣。弘微實在其見美如此。子莊自有傳。

御史中丞孔彥琳琳之

弟璩之子遵附

孔琳之字彥琳。會稽山陰人。光祿大夫廡之子也。強正有志力。少好文義。解彈碁。妙善草隸。桓玄輔政。爲太尉。以爲西閭祭酒。玄時議欲廢錢用穀帛。又議復肉刑。琳之極論變通之道。以爲不可議。遂寢。玄好人附悅。而琳之不能順旨。以是不見知。出爲吳興太守。宋永初中。爲御史中丞。奏劾尚書令徐羨之。虧違典憲。時羨之領揚

刑剡史琳之弟。璩之爲中從事，羨之使璩之解釋琳之，使停寢其事。琳之不許曰：我觸忤宰相，政當罪止一身，汝必不應從坐。何須勤勤邪？自是百僚震肅，莫敢犯禁。武帝甚嘉之行。經蘭臺，親爲臨幸，遷祠部尚書，不事產業。家尤貧素，卒贈太常。子邈，有父風，官至揚州中從事。侍中王少明悅之。

王悅之字少明，晉右軍將軍羲之之曾孫也。祖獻之，中書令，父靖之，司徒左長史。悅之少勵清操，亮直有風檢。爲吏部郎，憐皆有會同者，遺愧之饋，一睡，辭不受。曰：此

實誠小然。亦不願當之。宋明帝嘗始。每貴。得即。得  
史中丞上以其薦。介賜田五頃。以爲侍中。在門下。盡與  
心力。掌檢校御府太官太醫諸署。時承奢汰之後。姦竊  
者衆。悅之。覆按無所避。得姦巧甚多。於是衆署共咒詛  
悅之。病甚。恒見兩烏人。擗之。及卒。上乃收。與掌者。于  
人。極枯之。送淮陰。密令渡瓜步江。投之中流。

黃門侍郎虞季瑤玩之

虞玩之。字季瑤。會稽餘姚人也。適直常侍琰之子。少困  
力筆。泛涉書史。仕宋爲烏程令。路太后外親。朱仁贍。犯

弄玩之依法按之。太后怨訴孝武，坐免官。元徽中爲尚書右丞。齊高帝鎮東府，朝廷致敬，玩之爲少府，猶躡屐造席。高帝取屐親視之，訛黑斜銳，遂斷以芒接之。問曰：「卿此屐已幾載？」玩之曰：「初釋褐，拜征北行佐，買之着已三十年。貧士竟不辦易。」高帝咨嗟，因賜以新屐。玩之不受。帝問其故，答曰：「今日之賜，恩華俱重，但著替敝席，復不可遺，所以不敢當。」帝善之，拜驍騎咨議，忝軍霸府。初開賓客，輻湊。高帝留意簡接，玩之與樂安任遐俱以應對有席上之美。齊名見遇，及帝卽位，玩之表言便宜多。

見採納遷黃門侍郎以久宦衰疾上表乞休許之玩之  
好嫉吾人物宋末王儉舉員外郎孔暹使魏玩之言論  
不相饒借暹儉並恨之至是玩之東歸儉不出送朝廷  
無祖饒者中丞劉休與親知書曰虞公散髮海隅同古  
人之美而東都之送殊不藹藹玩之歸家數年卒其後  
員外郎孔瑄就儉求會稽五官儉方盥投皂箠於地曰  
卿鄉俗惡虞玩之至死煩人

尚書左僕射王希季延之

王延之字希季昇之子也少靜默不交人事仕宋爲司

徙左長史。清貧。居室穿漏。褚彥回以啟宋明帝。即勅林  
官爲起三間齋屋。歷吏部尚書左僕射。宋德旣衰。齊高  
帝輔政。朝野之情。人懷彼此。延之與尚書令王僧虔中  
立無所去就。時人諺曰。二王若平。不送不迎。高帝以此  
善之。昇明三年。出爲江州刺史。加都督。齊建元元年。進  
號鎮南將軍。延之居身簡素。清靜寡欲。凡所經歷。務存  
不擾。在江州。俸祿外。一無所納。獨處齊內。未嘗出戶。史  
人罕得見焉。雖子弟亦不妄前。時時見親舊。未嘗及世  
事。從容談詠而已。後爲尚書左僕射。尋領晉陵王師。卒。

謹簡子

祠部尚書虞景豫恡

虞恡字景豫餘姚人祖嘯父晉左戶尚書父秀之黃門郎恡少以孝聞父死終喪日惟食麥餅二枚仕宋位黃門郎宋明帝誅山陽王休祐至葬日寒雪厚三尺故人無至者惟恡一人來赴初齊武帝始從宦家尚貧薄數以分遺每行必呼帝同載帝甚德之齊建元初爲太子中庶子累遷豫章內史上以恡布衣之舊從容謂恡曰我當令卿復祖業轉侍中朝廷咸驚其美遷祠部尚書



鬱林王立兼大匠卿已而被廢。宗竊歎曰：王徐達謂廢天子天下豈有此理。邪。明帝立宗稱疾不陪位。帝使尚書令王晏賫廢立事示宗。以宗舊人引參佐命。宗謂晏曰：主上聖明公卿戮力寧假稱老以匡贊維新乎。不敢聞命。慟哭不自勝。朝議欲糾之。僕射徐孝嗣曰：此亦古之遺直。衆議乃止。宗稱疾篤。還東。詔賜假百日。轉給事中。光祿大夫。尋卒。性敦實。與之知識必相存。勸親疎皆有終始。世以此稱之。

東觀祭酒虞士恭愿

虞愿字士恭，會稽餘姚人也。宋元嘉中，爲湘東王常侍。明帝立，以愿儒吏學涉，兼藩國舊恩，除太常丞、尚書祠部郎，通直散騎侍郎。帝以故宅起湘宮寺，費極奢，候置新安太守巢尚之曰：「此是朕功德，愿在側。」曰：「陛下起此寺，皆是百姓賣兒貼婦，佛若有知，當悲哭哀愍，罪高佛國，有何功德？」帝大怒，使人馳曳下殿，愿徐去，無異容。帝好圍棋，甚拙，去格七人，道物議共欺爲第三品。與第五品王抗奕，依品賭戲。抗借帝曰：「皇帝飛棋，臣抗不能勝，帝終不覺，以爲信然。」好之愈篤。愿又曰：「堯以此教母朱。」

其人主所宜好也。尋兼中書郎出爲晉安太守。晉安有  
越王石常。隱雲霧中。太守清。蔗乃見。愿至。輒見。無蔽。郡  
產蝮蛇。膽可已疾。不易得。有遺愿者。不忍殺。放之山中。  
一夜。蛇還床下。以母老解職。除後將軍。褚彦回嘗請愿。  
愿不在。見其床上。積塵成寸。有書數表。彦回歎曰。貞君  
之清。至於此。令人掃地拂床而去。遷中書郎。領東觀祭  
酒。愿嘗事宋明帝。齊初。遷神主於汝陰廟。愿拜辭。流涕。  
建元元年卒。

戎耶將軍虞次安箭

虞寄字次安中庶子荔之弟少聰敏年數歲客有造其  
父遇寄於門嘲曰郎子姓虞必當無智寄應聲曰文字  
不辨豈得非愚客大慙入謂其父此子非常人文舉之  
對不是過也及長好學善屬文性冲靜有栖遁志弱冠  
舉秀才對策高第起家梁宣城王國左常侍大同中管  
驟雨殿前往往有雜色寶珠梁武觀之甚有喜色寄因  
上瑞雨頌帝謂荔曰此賦典裁清拔卿之士龍也及岳  
陽王譽爲會稽太守辟寄中記室領郡五官掾在職關  
暑煩苛務存大體曹局之內終日寂然侯景之亂隨荔

人臺及城陷遁還鄉里張彪往臨川強寄俱行寄與彪將鄰埽同舟而載瑋嘗忤彪意乃劫寄奔晉安時陳寶應據有閩中得寄甚喜陳武帝平侯景寄勸令自結寶應從之乃遣使歸誠永聖元年除中書侍郎下詔徵之寶應愛其才託以道阻不遣每欲引寄爲僚屬委以文翰寄固辭獲免及寶應結婚留異潛有逆謀寄微知其意言說之際每陳逆順之理微以諷諫寶應輒引說他事以拒之寄知不可諫慮禍及已乃爲居士服以拒絕之常居東山寺僞稱脚疾不復起及留異稱兵寶應資

其部曲寄心因書極諫寶應不聽及敗走夜至莆田顧謂其子扞秦曰早從虞公計不至今日寶應既禽凡諸賓客徵有交涉者皆誅惟寄以先議免禍文帝尋勅都督章昭達發遣寄還朝及至謂曰管寧無恙甚慰勞懷尋除衡陽王長史兼掌書記寄入謝帝曰所以暫屈卿游藩者非止以文翰相煩乃令以師表相事也後除東中郎建安王諮議加戎昭將軍太建八年晉太中大夫卒寄少篤行造次必於仁厚雖僮豎未嘗加以聲色至臨危執節別無氣凜然雖白刃不憚也前後所居官未

嘗至秩滿。裁暮月。便自求解。退常曰。知足不辱。吾知足矣。每出游。近寺。閭里傳相告語。老幼羅列。望拜道左。或言。誓爲約者。但指寄。便不欺。其至行所感如此。所製文筆。遭亂。並多散失。

唐

凡一人

吏部尚書錢蔚章徽

錢徽字蔚章。吳興詩人起之子。登進士第。僑居菽城。菽城令王郢善接僑士。游客以財代饋。坐是得罪。觀察樊澤閱其簿。獨徽無有。乃表署掌書記。蔡賊方熾。澤多募

武士澤卒士頗希賞周徹主留事重擢發軍庸不敢繼  
時大雨雪士寒凍徹先冬頒衣絮士乃大悅一軍以安  
人拜左補闕以祠部員外郎爲翰林學士三遷中書舍  
人加承旨是時內積財圖復河湟然禁無名貢獻而至  
者不甚卻徹懇諫罷之帝密戒後有獻毋人右銀臺門  
以避學士以論淮西事忤旨改庶子出爲虢州刺史人  
拜禮部侍郎宰相段文昌以所善楊渾之學士李紳以  
周漢賓並譏徹求致第籍渾之者憑弟也多納古帖秘  
蓋於文昌皆世所寶徹不如二人請自取楊殷士與蓋



巢巢者李宗閔婿。戢士者汝士之弟。皆以義氣與徽善。文昌怒時帥鄒南人。帥卽奉徽取士。以私請該帥。及元稹時。稹與宗閔有隙。因是共擠之。有詔王起白居易。詰而黜者。過半。遂貶江州刺史。汝士勸徽出文昌紳私書。自直徽曰。苟無媿於心安事。辯證邪。勅子弟焚書。州有牛田錢百萬。刺史例以給宴飲。贈餉者。徽曰。此農耕之備。可他用哉。命代貧民租入。文宗立。召拜尚書左丞。告老不許。尋以吏部尚書致仕。歸。徽與薛正倫親。強簡善二人前死。徽撫其孤。至婚嫁。與已子女。等任鹿子。時

韓公武以賂結公卿遺徽錢二十萬不納或言非官路可無讓徽曰取否在義不在官也卒年七十有五贈尚書右僕射

宋一共四十八

翰林學士詹存孝駁

詹駁字存孝縉雲人大中祥符元年舉進士第一人真宗御書榮桂二字賜之時年二十二官至大中大夫翰林學士致仕性嚴重子適中第歸省踰期拜庭下父不顧命去袍笏杖之曰毋以一第縱恣也二子俱以孝廉

翰林學士錢醇老蒞

錢蒞字醇老，彥遠之從子也。幼孤，刻厲爲學，第進士。又中賢良方正科，爲秘閣校理。慈聖后臨朝，蒞三上書乞還政，同修起居注，知制誥，加樞密直學士，知開封府。平居樂易，無崖岸，而居官獨立，守繩墨，爲政簡靜，有條理，不肯徇私取顯，數求退。改翰林侍讀學士，知審官東院。辛年六十一，神宗知其貧，賻錢五十萬，贈太中大夫。

朝請郎錢景謨

錢景謨，景臻之從兄也。繇殿直，巡轄兩京馬廄，中進士。

第初赴開封解試時王安石得其文以爲知道者既薦送之又推舉於公卿間自是執弟子禮景謨執喪居許聞安石得政喜因事來京師謁之方盛夏安石與僧智緣卧於地一最親者袒坐其側顧景謨襤服脫帽未及他語卒然問曰青苗助役如何景謨曰利少害多異日必爲民患又問孰爲可用之人曰居喪不交人事而知人尤難事也遂辭去後調官復來安石已作相又往詣之安石令先與弟安國相見安國亦與之善謂景謨曰相君欲以館閣相處而任以事景謨曰百事皆可爲所

不知者新書役法耳。及見安石，安石欲令治峽路役事，且慰以戎瀘變事。景諶曰：「峽路民情，僕固不能知，而戎瀘用兵繫朝廷舉動，一路生靈休戚，願擇知兵愛民者。」安石大怒，坐上客數十人皆爲之懼退。就謁舍，賞激之，與詆以爲矯者。參半景諶笑曰：「自古以來，好利者衆，而顧義者寡。故天下萬事皆由人，而不在于已。苟爲利所動而由於人，則盜亦可爲矣。夫盜之所以爲盜者，利勝於義而不知所以爲之者耳。吾又何憾焉。」遂與安石絕。熙寧末，從張景憲辟知瀘州，終身爲外官，僅至朝請郎。

而卒。

秘閣檢理王介

王介常山人。強記博聞。性亢直。以名節自負。舉制科累官秘閣校理。與王安石游甚款然。未嘗降意相下。初安石屢召不起。後受學士之命。介作詩寄之。有云。草廬三顧動春夢。薰帳一空生曉寒。盖有所不滿也。及安石秉政。介老死。不復通一字。君子以爲不愧其名。

翰林學士錢穆父總

錢總字穆父。彥遠之子也。生五歲。日誦數千言。以莖印

尉氏縣授流內銓主簿判銓陳襄嘗登進班簿神宗稱  
之襄曰此非臣所能主簿錢勰爲之耳明日召對將任  
以清要官王安石使弟安禮來見許用爲御史勰謝曰  
家貧母老不能爲萬里行安石知不附已命權益錢判  
官歷提點河北京東刑獄元豐定官制勰方居喪帝於  
左司郎中格目書其姓名須終制日授之奉使弔高麗  
外意頗謂欲結之以北伐勰入請使指帝曰高麗好文  
又重士大夫家世所以選卿無他也乃求呂端故事以  
行凡餽餼葬故所有者皆弗納歸次紫燕島王遣百吏

餉金銀器四千兩。總曰在館時既辭之矣。今何爲者。吏泣曰。王有命。徒歸則死。且左脅已受矣。總曰。左右脅各有職。吾惟側是視。汝可死。吾不可受。竟却之。還拜中書舍人。以龍圖閣學士知開封府。老吏畏其敏。欲困以事。導人訴牒至七百。總隨卽剖決。無不中理。乃驚詫去。貴戚爲之歛手。蘓軾嘗乘其据案時。遺之詩。總捧筆立就。以報軾曰。電掃庭訟。響答詩筒。所未見也。哲宗初政。翰林缺學士。章惇三薦林希。帝以命總。仍兼侍讀。以嘗行傳讀詞。懼而求去。帝曰。豈非軾軾非少主之臣。理體無



大臣之節者乎。朕固知之。毋庸避也。特因是極意排詆。輒全臺攻之。言不已。罷知池州。卒於官。年六十四。元符末。追復龍圖閣學士。

白牛居士陳令舉舜俞

陳舜俞字令舉。嘉興人。強記博學。從胡安定環遊。舉進士。嘉祐間中制科第一。熙寧初以屯田員外郎知山陰。召試館職。不就。會青苗法行。不奉令。上疏自劾。責監南康軍酒稅。直道自信。無所回撓。在貶所。日與太博劉焄之。跨雙嶺。窮泉石之勝。自號白牛居士。鄉人名其所居。

曰白牛鎮清風里及卒。蘓文忠爲文哭之。稱其學術才能兼百人之器。將以身任天下之事。而一斤不復。士大夫識與不識。皆深悲之。所著有都官集。廬山記。行於世。副部員外郎強幾聖至。

強至字幾聖。錢塘人。少有志節。力學問。吳俗喜嬉遊。事請謁。至一切謝絕。讀書屬文。忘晝夜寒暑。鄉爲舉首登進士。工古文。尤積思於詩。居官聽獄。訟不視勢。高下輕重。窮究辯析。平反甚衆。居喪毀瘠過制。其治終事。一出自力。不資於人。韓琦罷政事。鎮京兆。徙鎮相親。常引至。

自助琦上奏及他書記皆至屬稿琦乞不散青苗神宗  
聞其奏曰此必強至之文也一日琦行一事不關由僉  
屬至遠力辭去琦言小事至曰小事尚爾何況大事遜  
謝數日乃肯留琦數薦克館閣未及用而卒官至祠部  
員外郎累贈金紫光祿大夫有文集二十卷自筆爲之  
序

右司員外郎具師禮

具師禮錢塘人太學上舍賜進士第元符初除秘書省  
正字以餒鄉浩免官徽宗時爲開封府推官罷右司員外

改右司員外郎。御禮工翰墨。徽宗訪以字學。對曰。御書之初。當志其大者。臣不敢以末技對。治蔡王獄。不使誣及王。人服其公。累遷右司員外郎。以直秘閣知宿州。卒。嘗與江公望相值。公望問曰。公得志。當何如。對曰。當爲人作豐年耳。由此定交。

給事中傅子駿崧卿

傅崧卿字子駿。山陰人。省試第一。擢甲科。累遷考功員外郎。方士林靈素得幸。造符書。自輔臣以下。皆從靈素。師授崧卿與曾孝獨不往。被譖。出爲浦圻縣丞。高宗嘗

爲中書門下省檢正諸房公事。詔問建都孰便。崧卿言  
建康建國宜定基本以濟中興。北虜渡江。上自越幸四  
明。崧卿殿後乘障盡死。力拜浙東防遏使。明年知越州。  
上自永嘉還越。崧卿乞減供億。省用度。華中旨有不便。  
輒執奏。賜可。乃已。後金師復大舉入寇。上將親征。崧卿  
入對。言留都管鑰。旁郡輔翼。當及鑿與未發。亟圖之。庶  
無後慮。上稱善。進給事中。尋罷歸。自國家多事。常慷慨  
欲以功名自見。與客言及國事。輒憤詫。或至流涕。攬鏡  
見齒髮衰落。歎曰。吾遂無以報國家而死乎。在上前論

議尤感激未及大用而卒時人惜之所著有懋屬溪堂集六十卷西掖制誥三卷其夏小正傳最行於世

福建提舉吳守約詳

子祗若附

吳詳字守約崇寧間爲蘄州教授高簡自持不爲貴要所屈時中貴朱勳以花石綱住蘄州勢焰薰灼有司者息奔走如屬官詳獨不屑見之人稱其介及爲福建路茶司長舉以廉著名人仕四十年無一椽以庇風雨子祗登紹興十五年進士

華陽令唐恕

弟意附

唐。蔡。儉。杭。人。參。知。政。事。介。之。孫。也。崇。寧。中。爲。華。陽。令。不。能。奉。行。茶。法。忤。使。者。請。病。免。歸。其。弟。意。方。爲。華。陰。令。亦。以。病。自。免。兄。弟。柱。門。躬。耕。恕。尋。以。宣。教。歸。致。仕。靖。康。元。年。御。史。中。丞。許。翰。言。其。高。行。起。爲。監。察。御。史。意。亦。以。宰相。異。數。薦。召。對。而。貧。不。能。行。竟。餓。死。餘。杭。山。中。

潮州判沈次仲造

沈。造。字。次。仲。籍。雲。人。以。進。士。歷。官。通。判。廉。直。不。阿。一。心。民。事。故。隨。在。有。美。頌。初。知。漳。浦。海。寇。作。亂。將。及。境。聞。造。有。政。聲。卽。引。去。曰。毋。驚。沈。公。及。判。潮。府。有。韓。山。被。虜。通。

男女以祭，歷政畏憚之，修饗不敢後，時造焚其廟，毀像，得巨地，殺而烹之，凶祀遂絕。議者以方韓昌黎之舉，證云：造卒，潮民相率聚哭祠下三日始去。工書善文章，有文集二十卷。胡樵評其書似歐陽率更，而清勁過之。

翰林學士毛達可友 弟奎子升附

毛友字達可，西安人。少游太學，與同郡馮熙載、盧襄、魏爲三俊，登進士第。累官廣陵帥。了翁陳瓘徙玉陽，道出都江，或疑其蔡黨。瓘先遣書友答報，加禮，且云：公立朝行，已風采重於一時。某願見而不可得，卽出郊候。瓘



手笑語如平生交。璫亦待之無間。尋守鎮江。時方臘已  
殘。璫歛。監司猶不以實聞。友具奏。時宰相主應奉。諸使  
者皆未劾客。怒其張皇。友遂監觀。其謝表曰。兩群生靈  
已罹非命。一道使者猶謂無他。璫聞。以書譽於親舊曰。  
蔽遮江淮。阻遏賊勢。斯人有助也。後官翰林學士。卒。所  
著有爛柯集。弟奎。子开。皆有名。

吏部郎李彥淵

李鞅字彥淵。富春人。登進士。中宏詞科。爲會要所檢閱。  
官。刑正。謚法。宣和初。提舉廣東市泊。居官廉直。珍貨一。

無所取。未幾，船商輻輳，召問盜避之於途，乃胙篋隨行。書帙而已，盜亦歛衽退，經典間，船商以執清節聞於顯。除比部郎，尋遷吏部。秦檜欲以子與執女爲婚，却之。遷轉作監，檜屢遣子就學，執告曰：爲天子卿監，豈爲宰相教子。遂丐外，持憲閩部。易江東，旣修權臣累奉祠，不復榮望。卒年七十七。執澹泊寡欲，廉宣之節，重於一時。晚年讀書，食與病已絕，獨嗅未盡去，因榜其小室曰：去嗅，塵著有去嗅居士集。

史。祺。孫。安。吉。人。舉。政。和。進。士。第。以。刑。部。郎。出。典。贛。興。屬。二。郡。初。秦。檜。謀。誅。岳。飛。命。祺。孫。蒐。索。其。家。交。游。書。札。祺。孫。悉。焚。之。曰。誣。人。以。求。榮。吾。不。爲。也。遂。引。年。而。歸。

虹縣尉徐端益

徐。端。益。婺。之。蘭。谿。人。靖。康。間。以。右。科。爲。虹。縣。尉。高。潔。自。持。不。屑。阿。徇。以。取。容。時。張。邦。昌。僭。立。手。書。到。縣。令。以。下。迎。拜。宣。讀。如。往。青。迎。詔。儀。端。益。獨。植。立。不。爲。屈。膝。高。宗。卽。位。向。子。誣。言。於。朝。爲。易。文。資。以。旌。異。之。說。者。以。端。益。之。一。立。比。狂。瀾。之。砥。柱。至。今。讀。之。令人。委。靡。之。氣。都。盡。

殿中侍御史沈德侔 子濟

沈响字德侔，德清人。第進士，歷官州縣，崇寧中擢監察御史。响至臺，欲有所論建，而大察無言事法，乃詣歷上十事，言花木擾民，土木弊國，冗費多，恩澤濫，議論異同，下情睽隔，其論當十夾錫錢，最爲剴切，不報。進殿中侍御史。時蔡京與樞州錢獄，欲陷章綬兄弟，遣開封尹李奉壽、御史張茂直鞠之，株逮至千百，強抑使承盜鑄罪死者甚衆，京猶以爲緩，帝獨意其非辜，遣响與御史蕭康往代京將，以顯仕，自爲左正言，及擢侍御史，响至

種即自決釋無佐證者七百人。歎曰：爲天子耳目司而可傳會權要殺人，以苟富貴乎？遂聞實平反，以聞。京大恚，削晴三秩，貶監信州酒稅。未幾卒。旣而獄事竟復，尋管明州。使者持勅至家，將發棺驗實。晴子瀆泣訴乃止。建炎初，贈龍圖閣直學士。濟官至右正言。

浙江提點刑獄王與正師愈

王師愈，字與正，金華人。登紹興戊辰進士，初調建州崇安尉。母喪不行服，除。歷官州縣。乾道中，召除金部郎官。兼崇政殿說書，召見言事，御札解條奏，嘗稱之曰：王師

愈諫官御史才也尚書楊傑陰附執政欲督諸郡積逋以伺內府貸銀師愈以爲用上擾民持不可罷知饒州後除浙江提點刑獄丐祠卒師愈爲政仁恕而綱目整齊所至賑荒裕民聲績顯著皆卓可傳斤外二十年人皆以不究用爲恨

綱高居士黃槐卿中輔

黃中輔字槐卿婺之義烏人讀書工文辭以奇節自負紹興中秦檜和議旣成日使士大夫歌頌太平之美但有言其好者輒捕殺之中輔每對客言及時事必罵賊

檜嘗作樂府題太平樓有快磨三尺劍欲斬佞臣頭之句檜聞大怒踪跡不得而止居鄉每爲仇家所挾將發之會檜死乃免自號細高居士名其齋曰轉拙

吏部侍郎應仲實孟明

應孟明字仲實永康人登隆興癸未進士歷官樂平縣丞以薦爲詳定一司勅令所刪定官輪對首論南北通好疆場無虞當選將練兵常如大敵之在境次乞申嚴監司此貪吏薦舉徇私情之禁帝嘉其久之他日宰相進擬帝出片紙書二人姓名曰卿何故不及此其一人

時孟明也。乃拜大理寺丞，出爲福建提舉常平。陛辭，帝諭之曰：「朕知卿愛百姓，惡賊吏，事有不便，宜悉意以聞。」帝一日御經筵，因論監司按察，顧謂講讀官曰：「朕近得數人，應孟明其最也。」尋除浙東提點刑獄，以鄉郡引嫌，改使江東，會廣西謀帥，帝謂輔臣曰：「朕熟思之，無易處。孟明者，進直秘閣，知靖江府，兼廣西經畧安撫使，廣西病於益法，追逮禁錮，民不聊生，孟明驛奏除之。」光宗即位，召爲吏部員外郎，累遷中書門下，檢正諸房公事。寧宗立，拜太府卿，權吏部侍郎，卒。贈少師。孟明以儒學者



身受知人主官職未嘗倖進韓侂胄遣密客誘以讓官俾誣趙汝愚固却不從士論以此重之

吏部侍郎閻丘逢辰所

閻丘昕字逢辰，麗水人，爲婺州義烏令，有政績，薦授監察御史，累遷吏部侍郎，給事中，以敷文閣待制知温州。時有薛某者，秦檜親黨也，居郡中，承檜密旨，俾造漆器，昕持正不從，薛怒，誚秦檜，斥之。昕遂拂衣歸。昕嘗憤權臣專政，作周易二五君臣論，以排用事者，平生不殖產，至無宅可居，事聞，朝廷給宅賜之，太守馬光祖卽其

地建祠。扁曰清風。有人趙崇潔爲太常。陳乞請謚。太常  
博士趙崇璿議曰。孟子稱富貴不能淫。威武不能屈。此  
之謂大丈夫。故得失寵辱皆浮雲飄瓦。若斯爲言官。爲  
給舍。爲選部。以獎庶靖。惜名器爲先務。故不爲權勢所  
撓。真無規於孟子所謂大丈夫者矣。謚法臨官潔正曰  
清。一德不測曰簡。請合二美。以易斯名。考功郎洪勳履  
議曰。士有去百年而使人追思。所以表章。此其名節必  
有不可泯者。至如斯剛毅之氣。不可奪也。請如太常議  
奏。謚清簡。

湖北提翠胡子上升

胡升字子上升，麗水人，博雅工文辭。初任彭澤丞，終湖北提舉。紹興初，郡將耿延禧創譙門，委誤上梁文，并記刻石畢，以錢十萬，酒百壺餽之。升曰：升雖貧，終不爲一譙門所鬻，那人高之。

太府寺丞潘舜舉大隲

潘大隲字舜舉，松陽人。嘗以兩浙運司主管文字書攝温州，獲海寇五十人，聞其實，釋無辜者半。復以太府寺丞出權真州茶鹽，時相才大，金幾人，觀之曰：有美獻，卽

受賞大臨曰吾一錢皆籍縣官羨餘何取大全怒馳代者夜半奪印去後知廣德軍

判潼州轉運王佐

王佐松陽人領鄉薦入太學尋補武學博士召試學士院對策言用兵開募不可時韓侂胄欲藉此立功見策憤然諷御史胡紘劾佐狂妄出判潼州轉運司事佐備官政善人賴休息嘗作利州學記云聖人之道以修己治人爲要而世方以道爲僞以窮經明理爲僞而時方以儒爲黨是非出於此時公議定於萬世四川安撫使

程松以爲譏訕朝廷，奏聞落職，主管鴻禧觀歸之日，車就道，篋惟衣冊而已。

直秘閣林懿成季仲

弟叔豹附

林季仲字懿成，永嘉人。登宣和第，調婺州兵曹，遷仁和令。兵亂，捍截有功，改宣教郎。高宗幸永嘉，中丞趙鼎薦爲臺官，及鼎輔政，累遷吏部郎，面對乞重縣令之選，且云：願從陛下丐一令以自効。臣承乏郎官，求爲縣令，似不情者。然官職輕重，惟陛下如何；以沓部爲重，則重在即官；以斯民爲重，則重在縣令。古人有言曰：請自隗始。

鄭官出宰百里。請自臣始。尋除太常少卿。鸚罷相。亦出知泉州。鸚再相。奏今清議所與。如劉大中。胡寅。呂本中。林季仲之徒。陛下能用之乎。陛下於此。或難則臣無所措手足。乃除檢正。時秦檜主和議。季仲上疏引夫差勾踐事。爭之大忤檜意。罷去。久之。起知婺州。以直秘閣奉祠。優游田里。八年卒。弟叔豹。字德惠。以進士知慈谿。值金兵入鄞。姦民相挺作亂。叔豹撫鬣首惡。邑賴以定。終江東轉運副使。

太常少卿胡季臯表

胡襄字季臯，永嘉人。登紹興第，教授婺州，轉臨安。召直御史臺主簿。明年遷監察御史，監國子監秋試。時時相客某，方以魁選自期。及榜揭，乃溫人吳蘊。古客大怒，訴之時相。時相亦怒，亟擢鄭仲熊爲正言。仲熊卽劾之曰：「自趙鼎立專門之後，有司附會，專務徇私，不論才與不才，有是說必致高第。今襄又爲之倡，欲使人人盡歸鼎之門而後已。遂罷隆興初，以王十朋薦，除江西提刑。召對備言宣靖間事，臣實親見。豈惟廟謨外失，亦由人心內離。願陛下攬觀覆轍，備而後動。孝宗傾聽，除太常少。」

卿兼樞密都承旨左相陳俊卿雅相敬重襄每燕見必舉當世弊事與政所宜先者俊卿喜其助已益重之以疾求去除直徽猷閣江東提刑移福建卒襄早學於胡安國固已一出於正晚復交武夷朱氏由是體用浹洽本末純粹朱氏嘗語人曰永嘉前一輩人物究竟終別蓋指劉許以後及襄也

司農卿林正甫湜

林湜字正甫平陽人登紹興第調富陽尉以弭盜功陞秩知晉江縣適造戰艦湜不忍歛民欲弃官去請蕃密



君者義之咸助其後。繼成而民不知。秩滿空城攀留。車  
不得行。夜從間道去。通判南劍州。奏罷榷酒。除監察御史。  
史以不阿比爲小人所忌。爲殿試參詳官。某士對策。割  
切澁。疑爲第一。不用。及侍御史劉克祖下遷。澁曰。可以  
行矣。遂出爲江西轉運判官。歲捐科名之在漕司者數  
萬緡。而漕計不虧。歷太府司農卿。韓侂胄擅權。侂惡正  
仕。力請外。進直龍圖閣。致仕。卒。朱晦菴旣以黨斥。士諱  
出其門。澁獨執弟子禮不變。君子以是重之。

戶部侍郎馬會叔大同

馬大同字會叔建德人登紹興進士第自爲小官卽以剛介聞改秩除國子監簿對便殿上與語輒奏不然明日謂宰執曰夜來馬大同奏對朕與之辨論凡不然朕說者三氣節可嘉由是簡知孝廟有大用意後每對上輒陳恢復大計歷中外要官必求盡職以洗冤澤物爲已任所至雖遐僻童孺無不知大同名仕至戶部侍郎學者稱爲鶴山先生

資政殿大學士沈德之復

沈彙字德之德清人紹興中進士爲太常主簿賜對便

殿論古昔公卿身兼將相南巢之舉尹實視師東山之  
師周公專之漢之諸葛晉之杜預唐之李靖類皆儒者  
之餘出乃今士大夫口不談兵緩急孰可任用上悅除  
宗正丞歷官工部侍郎一日上問朕曹財用幾何各備  
者幾何所用幾何虧差幾何復一一奏對訖於所佩囊  
袋中取小冊進呈無毫髮差上大喜次日問宰相侍郎  
有違政府例否梁克家奏云陛下用人何以例爲遂特  
拜端明殿學士同知樞密院事時大臣專政同列咸相  
承之復發然中立每公會一指之外無他言有所論議

不爲少貶。復以資政殿大學士出知荆南四川鎮江福州。所至風采聳然。卒謚簡肅。真德秀序其集。謂海古大臣。塞謬之風。

太府簿丘漢規何

丘何字漢規。迷安人。登乾道進士第。宰連江。有聲。部奏者支薦。不自信。由是浮沈州縣。晚始登朝。監進奏院。兼太府簿。時方詆道學。世以道爲諱。上而廟廊獻納。下直學厚講集。總曰。不肖性命等字。雖六經孔孟語亦避之。何獨秀疏論中庸及皇極備黨之義。語意懇切。慶元中。

已將有事於南郊，太常缺卿丞肄儀，宰相以何名聞，遂  
擢卿行禮，自受誓戒，至飲福，細大無違，名聲驟起，方將  
起擢，而晨入署舍，暮還，傲邸不肯一謁，當路積二年，出  
守袁州卒。

起居舍人倪起萬千里

倪千里，字起萬，東陽人，七歲能默誦九經，講子入上庠，  
月書龜列學者宗之，登淳熙進士，議論文墨籍甚，開門  
授徒，戶外履滿，以縣最，擢御史，公饋不入門，私書不出，  
屬退食蕭然如山居，遷右正言，以言事忤大臣，除起居

舍人兼國史編修實錄檢討並兼侍講卒於位特贈右  
文殿修撰階朝奉大夫

兵部郎孫居敬

孫訥字居敬東陽人淳熙十四年進士第三人累官太  
學正遷博士遷監丞時京尹屏武學生不以其道訥抗  
疏爭之不報遂請外知漢陽軍六館之士悉出餞尋知  
黃州憲湖南所至皆有善政嘗書真實心地簡徑法門  
八字於座仕終兵部郎官所著有疇庵集

刑部侍郎蔡行之幼學

子箴節範附

蔡幼學字行之，瑞安人。年十八，試禮部第一。孝宗策士，聞其才，將置首列。是時外戚張說用事，宰相虞允文、梁克家皆陰附之。幼學對策切直，其言有曰：「或以虛譽惑聽，自許立功，或以緘默容身，不能持正。」蓋指允文、克家也。允文等惡之，遂得下第。爲廣德軍教授，入爲校書郎。數論列時政，韓侂胄不悅，除提舉福建常平。時朱熹居建陽，幼學每時咨訪，遂爲御史劉德秀劾罷。奉祠者凡八年。有勸侂胄收召名士，乃存爲史館員外郎。歷福建安撫使。淳熙末，罷去。奉祠而歸，召爲禮部尚書兼詹事。

卒於官。謚文懿。幼學。早以文名於時。而中年述作益窮  
根本。非關教化之大。由性情之正者。不道也。所著有年  
曆大事記。列傳舉要等書。子三。蒼節範。而範最有名。守  
循化行。山洞卓有殊績。終於吏部侍郎。風力峻整。直已  
不阿。爲時名臣。